

E KONFLIKTO TRAS DI TUR KONFLIKTO



Louis J. J. J.

Lès 4 pa Òktober 25, 2025

“ No tabatin
ningun dia manera
esei, ni promé ni
despues, ora ku
Señor a skucha e
bos di un hòmber,
pasombra Señor a
bringa pa Israel”

Josue 10:14, Esv



E konkista di Kanaan tabata un guerra di eksterminashon òrdená dor di Dios. Pero si Dios ta amor, pakiko El a òrdená un matansa asina?

Pa haña un mirada chikitu den e motibunan(rasonnan) pa e eventonan aki, nos tin ku aserká esaki rápidamente.

Nos mester ekstendé nos vishon mas ayá di e visibel, te ora ku nos lo por opservá e konflikto ku ta keda tras di tur konfliktonan (inkluyendo e konkista di Kanaan): e gran konflikto entre Kristu i Satanás, entre e bon i e malu.



E partidonan den konflikto:

- E Príncipe di Dios Su ehérsito.**
- E prínsipe di e ehérsito di maldat.**
- E guerero di mas poderoso.**

E strategianan di konflikto:

- Dios bringando(luchando) pa nos.**
- Nos bringando pa Dios.**

The image features a rustic wooden frame with a white rectangular center. On either side of the center are orange-painted wooden shutters, each with a black metal ring handle. The frame is set against a solid yellow background. The text 'E PARTIDONAN' is at the top, 'DEN' is in the middle, and 'KONFLIKTO' is at the bottom, all in a purple, 3D-style font with a reflection effect below each line.

E PARTIDONAN
DEN
KONFLIKTO

E PRÍNSIPE DI DIOS SU EHÉRSITO

“ Ningun di dos,” el a kontestá, “pero komo Komandante di e ehérsito di Señor Mi a bini awor.” E ora ei Josué a kai abou ku su kara na suela den reverensia, i a puntr’E, “ Ki mensahe mi Señor tin pa Su sirbidó?”

(Josue 5:14)

Segun ku Josué tabata hasi orashon serka di Jeriko buskando direkshon divino pa tuma e siudat, un guerero ku su spada saká tabata pará su dilanti (Josue 5:13).

Ora El wòrdu interogá dor di Josué, e Hòmber aki a nenga su afiliashon ku kualke ehérsito terenal. E tabata e Komandante di Dios Su ehérsito (Josue 5:14).

Dor di eksigí adorashon, El a mustra ku E tabata Dios mes, den e persona di Hesus — konosí komo Miguel den e buki di Daniel (Josue 5:15; Dan. 12:1).

E orashon a wòrdu kontestá. Pa Josué su alivio, Dios mes a tuma mandato di e operashon. Komo Israel su komandante visibel, Josué mester a sigui solamente e òrdunan di e berdaderu komandante – en - hefe: Dios.





E PRÍNSIPE DI E EHÉRSITO DI MALDAT

"Kon bo a kai for di shelu, strea di mardugá, yiu hòmber di mainta! Bo a wòrdu tirá riba e tera, abo kende un bia a debilitá e nashonnan!"




(Isaias 14:12)

Nos por bisa ku el a inventá guera. El a nase un prínsipe; un kerubin di e rango mas haltu; na e banda mes di Dios; kanando riba karbon na kandela; presioso; perfekto... (Ezek. 28:12-15).

Dotá ku boluntat liber – manera tur sernan intelegente kreá dor di Dios – Lusifer a disidí di rebeldiá i usurpá Dios Su trono (Isa. 14:12-14).

Ounke su rebelion a faya, e universe a wòrdu hundi den guera desde e tempu ei. Tumando e Tera ofer, Satanás i su angelnan, tin un solo propósito: pa stroba Dios Su plannan pa salba e rasa humano.

E konkista di Kanaan tabata un bataya importante den e guera aki.




E GUERERO DI MAS PODEROSO

" Señor ta un guerero; Señor ta Su nòmber" (Eksodo 15:3 NIV)


Dios mes ta wòrdu presentá komo un " hòmber di guera," e guerero di mas poderoso den bataya. (Eks. 15:3; Salmo 24:8).

Pero Dios no ta na guera ku sernan humano, pero ku e podernan spiritual na kual nan ta pega. Pesei, e plaganan ta wòrdu presentá. Komo un guera kontra di e diosnan di Egipto, esei ta, e demoñonan (Eks. 12:12; Deut. 32:17).



Dios ta desea pa kita maldat for di e Tera. Pesei, El a deportá for di Kanaan esnan kende a skohe pa tuma banda di Satanás, i a konsentí(duna) e tera na e hendenan kende a skohe e banda kunE.

Awe e guera ta kontinuá, pero no riba teritorio. E pelea ta pa kada famia, pa kada individual. No tin ningun tereno neutral. Nos ta sea ku Dios òf ku e enemigu.



The image features a rustic wooden frame with two yellow-painted wooden shutters on either side. Each shutter has a black metal ring handle. The center of the frame is a white rectangular area containing the text 'E STRATÉGIA-
NAN DI
KONFLIKTO' in a bold, red, sans-serif font. The text is arranged in three lines and has a subtle reflection effect below it. The entire composition is set against a solid blue background.

**E STRATÉGIA-
NAN DI
KONFLIKTO**



DIOS BRINGANDO PA NOS

" Señor lo bringa pa boso; boso mester solamente keda ketu" (Eksodo 14:14)

Dios Su plan original tabata pa konkistá Kanaan dor di medionan supernatural, sin ku Israel lo tin ku bringa (Eksodo 23:28). Si no tabata pa e pueblo su inkredulidat, esaki lo a sosodé.

E Beibel ta registrá algun ehèmpelnan di loke Dios lo por hasi pa libra Su pueblo, sin ku nan lo tin ku hisa kualke arma kontra di nan enemigunan:



El a hundi e ehérsito Egipsio den e Laman Kòrá (Eks. 14:24-28)



El a huza piedra di hagel kontra di e Kananeonan (Josue 10:11)



El a destruí esnan kende a despresiá Elias (2 Reinan 1:9-10)



El a manda bernan kontra di esnan kende a hasi bofon di Eliseo (2 Reinan 2:23-24)



El a logra pas dor di siega e ehérsito Sirio (2 Reinan 6:14-23)



El a pone e yiunan hòmer di Amon i Moab bringa kontra di otro (2Kron. 20:15-17, 22-24)



El a mata 185,000 Asirionan den un anochi (2 Reinan 19:35)



El a manda un malesa mortal pa Herodes (Echonan 12:21-23)

NOS BRINGANDO PA DIOS

" Nan a dediká e stat na Señor i a destruí ku filo di spada tur kos bibu den dje — hòMBER i muhé, hoben i bieu, buey i karné i burikunan " (Josue 6:21)


Manera ku e antedeluvianonan, òf ku Sodoma i Gomora, e Kananeonan a traspasa e limitashonnan di gracia, i a reklutá nan mes ku Satanás (Gen. 6:5; 18:20-21; 15:16).



Nan tur tabata destiná pa e di dos morto, morto etèrno. Prolongando nan bida akinan lo no kambia nan destino final. Y Dios a permití Israel, na e okashon aki (e kaptura di Kanaan), pa tuma un parti aktivo den e matansa.

Pakiko no hasié E mes, manera El a plania? Pa motibu di nan inkredulidat. Israel su promé smak di guera tabata despues di a deklará, “ Señor ta meimei di nos, sí òf nò?” (Eksodo 17:7-9).

Dor di tuma un parti aktivo den e bataya (físiko pa nan, spiritual pa nos), nos ta desaroyá un konfiansa inkondishonal den Dios Su yudansa.



“ Batayanan mester wòrdu bringá tur dia. Un gran guera ta pasando riba tur alma, entre e prens di skuridat i e Prínsipe di bida.... Komo Dios Su agentenan boso mester somete boso mes na djE, ku E lo por plania i dirigi i bringa e bataya pa boso, ku boso kooperashon. E Prínsipe di bida ta na kabes di Su trabou. E mester ta ku boso den boso bataya diario ku bo mes, ku boso lo por ta berdadero na prinsipio; e pashon ei, ora ku ta hasi guera pa e dominio, lo por wòrdu kontrolá dor di e grasia di Kristu; ku bo ta lòs(kita) mas ku konkistadó dor di djE ku a stima nos.”